

Kursus silat

BALAI Rakyat Ghim Moh akan menganjurkan kursus silat mulai Januari ini. Kelas-kelas akan dijalankan tiap Khamis antara 7.30 dengan 9.30 malam. Keterangan lanjut boleh didapati dari setiausaha pengelola melalui telefon 661200.

Sebab2 diadakan bahagian baru dlm Pesta Silat...

18 DEC 1979

Pencak Silat
PERSEKUTUAN Silat Singapura (Persisi) berharap lebih ramai wanita muda akan menyertai Pesta Silat Kebangsaan yang dianjurkan dan sebagai langkah pertama akan mengadakan bahagian khas bagi mereka.

Setiausaha agung Persisi, Encik Johari Uriff, menerangkan bahawa mereka mengadakan bahagian Srikandi Muda dengan matlamat tersebut.

Pendekar

"Sejauh ini, pesilat-pesilat wanita yang muda terpaksa bertanding dalam satu bahagian saja. Oleh itu, ini tidaklah adil. Untuk memberikan peluang yang baik untuk mereka menunjukkan kebolehan, kami telah memutuskan mengadakan

pertandingan bahagian baru untuk mereka."

Dengan keputusan itulah maka ramai wanita telahpun membuat permohonan untuk menyertai pertandingan Pesta Silat Kebangsaan yang akan berlangsung di Panggung Negara pada 30 dan 31 Disember ini mulai 7.30 malam.

Pertandingan bahagian wanita yang baru itu adalah untuk mereka yang berusia bawah 15 tahun.

Lain-lain bahagian yang akan dipertanding dalam pesta dua malam itu ialah Srikandi dan untuk bahagian lelaki ialah Tunas Pendekar, Pendekar Muda dan Pendekar.

Sepuluh buah badan kerabat akan mengambil bahagian dalam pertandingan merebutkan piala pusingan Haji Ya'acob Mohamad. Pesta ini akan dirasmikan oleh Encik Sidek Saniff, Timbalan Yang Dipertua Persisi.

Silat-silat yang akan dipertanding dalam pesta ia ialah Si Pitung Gestapis, Kuntau Melaka, Harimau Cekak, Seni Gayung Perwanit, Ser Gayung Pasak, Kuningan dan Banyuwangi. Silat Cekak akan mempertahankan gelarannya.

Pengadilan akan dilakukan berdasarkan kepada pakaiat pesilat-pesilat dan persembahan mereka, mutu kesenian dari silat mereka dan kecerdasan.

Demonstrasi

Sebagai acara selingan, satu demonstrasi dari wakil-wakil Ikatan Pencak Silat Indonesia cawangan Tanjung Pinang akan diadakan dalam pesta itu.

Tiket-tiket untuk menonton ber harga \$1, \$2, dan \$3 boleh didapati dari pegawai-pegawai Persisi dan kerabat dan juga dari ibupejabat Persisi di 3 Jalan Penggaga.